

In gimnasi per engles a Mustér

Naven digl uost 2024 offerescha il gimnasi ed internat dalla claustra da Mustér ina nova purschida. Igl ei in gimnasi per engles. Purtadra da quel ei la «Swiss Boarding Schools Disentis & Zurich». Quella scola ei vegnida fundada dil gimnasi da Mustér ensemen cull'Academia Group. Sco quei ch'il rectur dil gimnasi claustral, *Tom Etter*, ha detg sin damonda dalla FMR, quenta il gimnasi a Mustér cun rodund in tozzel scolaras e scolars per onn en quella scola. Dall'infrastructura enneu basegna ei neginas adattaziuns a Mustér, perencunter vegn construìu persuerter in niev campus a Winterthur. La scola duei attrer scolar(a)s da famiglias ch'aprezieschan l'internaziunalitad. «Nus quintein cun student(a)s dall'entira Europa ed era d'auters continents. Quell'internaziunalitad vegn ad enrihir aunc pli fetg nies menaschi ch'ei gia internaziunals», di Tom Etter. Il proxim temps entscheiva la promoziun da quella purschida. (fmr/hh) **Pagina 5**

Gimnasi Mustér ed Academia Group coopereschan

Il gimnasi dalla claustra da Mustér e l'Academia Group extendan comunablamein lur purschida da formaziun: La «Swiss Boarding Schools Disentis & Zurich» porscha naven digl uost 2024 a Mustér e Winterthur/Turitg in studi en engles sil scalem superiur II. Cun quella purschida gimnasiala vulan las duas scolas tener quen dalla gronda damonda da scolaras e scolars digl exteriur per levels internaziunals.

HANS HUONDER/FMR

Il gimnasi dalla claustra da Mustér ei enconuschents per sia grond'experiencescha sco scola d'internat. L'Academia Group – da l'autra vart – ei in dils gronds purschiders dalla maturitad englesa en Svizra quei che pertucca ils levels A internaziunals. Sco quei che las duas scolas scrivan en ina comunicaziun als mieds da massa, cumpletescha lur purschida fetg bein ina l'autra. Grazia a quella cooperaziun augmenta il gimnasi dalla claustra a Mustér sia purschida cun in diplom renconuschiu internaziunalmein. Comunablamein han las duas scolas fundau la «Swiss Boarding Schools Disentis & Zurich».

Gimnasi engles a Mustér

Il rectur dil gimnasi claustral e co-CEO dalla scola nova, *Tom Etter*, constatescha: «Nus vesin che la damonda per ils levels internaziunals A ed IB (International Baccalaureate) ei gronda tier scolaras e scolars digl exteriur.» Il level internaziunal A ha in avantatg: El porscha gronda flexibladad enten eleger ils roms. Per



quei motiv eis el renconuschius e tschercaus sin quest mund tier famiglias ch'apprezieschan l'internaziunalitad. «Cull'Academia Group ha il gimnasi dalla claustra da Mustér ina partenari che meina dapi onns cun success gimnasis engles a Basilea a Turitg. Nus essan perschadi cumpleinamein da quella purschida nova», di Tom Etter. La scola claustrala sa aschia profitar dalla gronda savida dall'Academia Group.

En marcau ni muntogna

Sco suletta scola svizra cun internat porscha la «Swiss Boarding Schools Disentis & Zurich» la pusseivladad d'eleger denter ina scola en in marcau a Winterthur ni ellas muntognas a Mustér. Per quei motiv eis ei previu d'ereger in ulteriur campus a Winterthur che porscha plaz per 70 giuvenils. A Mustér duei la purschida

Il gimnasi ed internat dalla claustra a Mustér completescha sia purschida.

FOTO HANS HUONDER

existenta vegnir nezegiada. Roman Meier, co-CEO dalla «Swiss Boarding Schools Disentis & Zurich» manegia: «Gest tenor il motto 'igl ei Tia decisium' san nossas scolaras e nos scolars eleger denter in liug cun activitads dil temps liber ellas muntognas a Mustér ni in contuorn urban a Winterthur ni Turitg. Els san tscharner denter la veta en in contuorn claustral ni in baghetg niev top modern a Winterthur.»

Vinavon matura a Mustér

La purschida existenta dil gimnasi ed internat dalla claustra da Mustér resta sco entochen dacheu. Scolaras e scolars dalla regiun e d'ulterioras parts dalla Svizra san far vinavon leu la ma-

tura. «La purschida nova enrihescha la cumionza dalla scola a Mustér. Ils giuvenils vegnan a profitar dil brat cun giuvenils d'autras tiaras», puntuescha Tom Etter. Las duas partiziuns dalla scola englesa nova «Swiss Boarding Schools Disentis & Zurich» arvan lur portas igl uost 2024 a Winterthur e Mustér. Il proxim temps vegn propagada quella purschida. L'Academia Group porscha sia scolaziun en pli che 20 lohens, per l'instrucziun stattan rodund 1000 scolaras e scolaras a disposiziun. La gruppa ei engaschada ton ella scola bilingua per affons pigns entochen la scola primara, secundara, gimnasi engles e programs da maturitad entochen a scolas per giuvenils e carschi.

INTERVESTA CUN IL RECTUR TOM ETTER

Rodund in tozzel scolars supplementars

Ensemen cull'Academia Group ha il gimnasi dalla claustra da Mustér fundau ina nova scola englesa. Ella duei plidentar scolaras e scolars digl entir mund. La FMR ha discurreu cul rectur Tom Etter.

HANS HUONDER/FMR

FMR: *Co san ins capir quella collaboraziun: Studegian scolaras e scolars a Mustér e Winterthur ni alternontamein?*

Tom Etter: La purschida d'entochen dacheu a Mustér vegn mantenida. Ella ei vinavon destinada sco purschida per scolaras e scolars dalla Surselva, dil Grischun, la Svizra e digl exteriur che vulan far la matura. Tier l'autra scola san las scolaras ed ils scolars eleger sch'els vulan absolver lur studi a Mustér ni Winterthur. Els san denton midar liug, vul dir ir in ni dus onns a scola a Winterthur e lu in ni dus onns a Mustér. Aschia san els eleger denter studi en in marcau ni in ellas muntognas.

Il gimnasi da Mustér ei gia internaziunals. Tgei spetga uss da niev sil gimnasi dalla claustra da Mustér, per exempel pertucont diember da scolaras e scolars?

Nus quintein a Mustér e Winterthur cun mintgamai diesch entochen dudisch scolaras e scolars per onn. Cons ch'ei vegn ad esser igl εμπrem onn ch'entscheiva igl uost savein nus aunc buca, damai che la promozium da quella purschida nova entscheiva pér uss.



Tom Etter ei rectur dil gimnasi ed internat dalla claustra a Mustér e co-CEO dalla nova «Swiss Boarding Schools Disentis & Zurich».

FOTO HANS HUONDER

Nus quintein cun scolaras e scolars dalla Svizra, dall'entira Euopa ni era d'auvers continents, surtut l'Asia.

Co vesa quei studi ora concretamein?

Las scolaras ed ils scolars contonschan in diplom internaziunal che possibilitescha ad els da frequentar in studi universitar. Per che quei seigi pusseivel basegna ei ina media da notas sufficienta. Da principi ei quei in diplom da scola media. En quei connex savein nus profitar dallas experientschas dall'Academia Group. Quei ei era d'impurtonza per la formaziun en Surselva. Gest ella partenza da quella purschida nova ei la savida dall'Academia Group da grond avantatg.

Nova purschida vul era dir novas structures. Tgei semida al gimnasi a Mustér?

Da principi semida nuot, auter che nus havein ina nova scola cun ina nova purschida. Nus havein capacitads d'infrastructura persuerter. Pertucont las forzas d'instrucziun medemamein, sequent la damonda vegn ei denton ad esser necessari da mirar per ulteriuras magistras e magisters. Las scolaras ed ils scolars da quella scola nova vegnan instrui els medemas baghetgs, han secapescha denton in'instrucziun separada. Nies gimnasi ei gia internaziunals, quei ch'enrihescha la veta en scola. Aschia san contacts per veta duronta vegnir empusti.